

საქართველოს კანონი

საქართველოს საგადასახადო კოდექსში ცვლილებებისა და დამატებების შეტანის შესახებ

მუხლი 1. საქართველოს საგადასახადო კოდექსში (საქართველოს საკანონმდებლო მაცნე, 54, 12.10.2010, მუხ. 343) შეტანილ იქნეს შემდეგი ცვლილება:

1. მე-7 მუხლს დაემატოს შემდეგი შინაარსის 1¹ ნაწილი:

„1¹. საერთო-სახელმწიფოებრივი გადასახადის ახალი სახის შემოღება, გარდა აქციზისა, ან საერთო-სახელმწიფოებრივი გადასახადის სახის მიხედვით არსებული განაკვეთის ზედა ზღვრის გაზრდა შესაძლებელია მხოლოდ რეფერენდუმის გზით, გარდა ორგანული კანონით გათვალისწინებული შემთხვევებისა. რეფერენდუმის დანიშვნის ინიცირების უფლება აქვს მხოლოდ საქართველოს მთავრობას.“

2. მე-8 მუხლს დაემატოს შემდეგი შინაარსის 12¹ ნაწილი:

„12¹. ზედა ზღვარი – საერთო-სახელმწიფოებრივი გადასახადის მიხედვით დაწესებული ზღვარი, რომლის გაზრდაც შესაძლებელია მხოლოდ რეფერენდუმის გზით.“

3. საქართველოს საგადასახადო კოდექსს დაემატოს შემდეგი შინაარსის 81¹ მუხლი:

„მუხლი 81¹. გადასახადის ზედა ზღვარი

საშემოსავლო გადასახადის ზედა ზღვარი შეადგენს შემოსავლის „X“ პროცენტს.“

4. საქართველოს საგადასახადო კოდექსს დაემატოს შემდეგი შინაარსის 98¹ მუხლი:

„მუხლი 98¹. გადასახადის ზედა ზღვარი

მოგების გადასახადის ზედა ზღვარი შეადგენს მიღებული მოგების „X“ პროცენტს.“

5. საქართველოს საგადასახადო კოდექსს დაემატოს შემდეგი შინაარსის 169¹ მუხლი:

„მუხლი 169¹. გადასახადის ზედა ზღვარი

დამატებითი ღირებულების გადასახადის ზედა ზღვარი შეადგენს დასაბეგრი თანხის „X“ პროცენტს.“

6. საქართველოს საგადასახადო კოდექსს დაემატოს შემდეგი შინაარსის 188¹ მუხლი:

„მუხლი 188¹. გადასახადის ზედა ზღვარი

აქციზის გადასახადის ზედა ზღვარი შეადგენს დასაბეგრი თანხის „X“ პროცენტს.“

7. საქართველოს საგადასახადო კოდექსს დაემატოს შემდეგი შინაარსის 197¹ მუხლი:

„მუხლი 197¹. გადასახადის ზედა ზღვარი

იმპორტის გადასახადის ზედა ზღვარი შეადგენს დასაბეგრი საქონლის სატარიფო ღირებულები „X“ პროცენტს.“

მუხლი 2. ეს კანონი ამოქმედდეს 2013 წლის ოქტომბრის მორიგი საპრეზიდენტო არჩევნების შედეგად არჩეული პრეზიდენტის მიერ ფიცის დადების მომენტიდან.

განმარტებითი ბარათი

„რეფერენდუმის შესახებ“ საქართველოს ორგანულ კანონში

ცვლილების შეტანის თაობაზე საქართველოს ორგანული კანონის პროექტი

ა) ზოგადი ინფორმაცია კანონპროექტის შესახებ

ა.ა) კანონპროექტის მიღების მიზეზი

კანონპროექტის მიღების მიზეზია 2010 წლის 15 ოქტომბრის კონსტიტუციური კანონის „საქართველოს კონსტიტუციაში ცვლილებებისა და დამატებების შესახებ“ მიღება.

ა.ბ) კანონპროექტის მიზანი

საქართველოს 2010 წლის 15 ოქტომბრის კონსტიტუციური კანონით გათვალისწინებული კონსტიტუციის ახალი რედაქციის 94-ე მუხლთან საქართველოს საგადასახადო კოდექსის შესაბამისობაში მოყვანა.

ა.გ) კანონპროექტის ძირითადი არსი

ახალ გადასახადებთან, მათ გაზრდასთან დაკავშირებული საკითხების რეფერენდუმის გზით გადაწყვეტის, მსგავს საკითხებზე რეფერენდუმის ჩატარების ინიციატივის ახალი სუბიექტის – საქართველოს მთავრობის ასახვა „რეფერენდუმის შესახებ“ საქართველოს ორგანული კანონში საქართველოს კონსტიტუციის 94-ე მუხლში განხორციელებული ცვლილებების შესაბამისად.

ბ) კანონპროექტის ფინანსური დასაბუთება

ბ.ა) კანონპროექტის მიღებასთან დაკავშირებით აუცილებელი ხარჯების დაფინანსების წყარო

კანონპროექტის მიღება არ საჭიროებს დამატებითი თანხების გამოყოფას სახელმწიფო ბიუჯეტიდან.

ბ.ბ) კანონპროექტის გავლენა ბიუჯეტის საშემოსავლო ნაწილზე

კანონპროექტის მიღებას არ ექნება გავლენა ბიუჯეტის საშემოსავლო ნაწილზე.

ბ.გ) კანონპროექტის გავლენა ბიუჯეტის ხარჯვით ნაწილზე

კანონპროექტის მიღებას არ ექნება გავლენა ბიუჯეტის ხარჯვით ნაწილზე.

ბ.დ) სახელმწიფოს ახალი ფინანსური ვალდებულებები

კანონპროექტის მიღება არ გამოიწვევს სახელმწიფოს ახალ ფინანსურ ვალდებულებებს.

ბ.ე) კანონპროექტის მოსალოდნელი ფინანსური შედეგები იმ პირობის, რომელთა მიმართაც ვრცელდება კანონპროექტის მოქმედება

კანონპროექტის არ წარმოშობს ფინანსურ შედეგებს იმ პირობის, რომლებზეც ვრცელდება კანონპროექტი.

ბ.ვ) კანონპროექტით დადგენილი გადასახადის, მოსაკრებლის ან სხვა სახის გადასახდელი ოდენობის განსაზღვრის წესი (პრინციპი)

კანონპროექტი არ ითვალისწინებს გადასახადს, მოსაკრებელს ან სხვა სახის გადასახდელს.

გ) კანონპროექტის მიმართება საერთაშორისო სამართლებრივ სტანდარტებთან

გ.ა) კანონპროექტის მიმართება ევროკავშირის დირექტივებთან

კანონპროექტი არ ეწინააღმდეგება ევროკავშირის დირექტივებს

გ.ბ) კანონპროექტის მიმართება საერთაშორისო ორგანიზაციებში საქართველოს წევრობასთან დაკავშირებულ ვალდებულებებთან

კანონპროექტს არ ექნება გავლენა საქართველოს საერთაშორისო ორგანიზაციებში წევრობასთან დაკავშირებულ ვალდებულებებზე.

გ.გ) კანონპროექტის მიმართება საქართველოს ორმხრივ და მრავალმხრივ ხელშეკრულებებთან

კანონპროექტი არ ეწინააღმდეგება საქართველოს ორმხრივ და მრავალმხრივ ხელშეკრულებებს და შეთანხმებებს.

დ) კანონპროექტის მომზადების პროცესში მიღებული კონსულტაციები

დ.ა) კანონპროექტის შემუშავებაში სახელმწიფო, არასახელმწიფო ან/და საერთაშორისო ორგანიზაცია (დაწესებულება), ექსპერტი, ასეთის არსებობის შემთხვევაში;

ა(ა)იპ „ევროპის იურისტ სტუდენტთა ასოციაცია საქართველო“

დ.ბ) კანონპროექტის შემუშავებაში მონაწილე ორგანიზაციის (დაწესებულების) ან/და ექსპერტის შეფასება კანონპროექტის მიმართ, ასეთის არსებობის შემთხვევაში

ექსპერტების დასკვნები არ არსებობს

დ.გ) კანონპროექტის ავტორი

ა(ა)იპ „ევროპის იურისტ სტუდენტთა ასოციაცია საქართველო“

დ.დ) კანონპროექტის ინიციატორი